



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj:10-33-22618-1/23  
Sarajevo, 18.05.2023 godine.

Na osnovu čl. 4. i 22. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj: 15/23), čl. 9, 14 i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22 ), Odluke Vlade Kantona Sarajevo o usvajanju Programa utroška sredstava Ministarstva zdravstva Kantona Sarajevo za 2023. godinu: broj 02-04-19964-4/23 i člana 2. Internog pravilnika o organizacijskim preduslovima i aktivnostima po Javnom pozivu za dodjelu transfera udruženjima i neprofitnim organizacijama za finansiranje/sufinansiranje naučnih skupova i edukacije iz Budžeta Kantona Sarajevo za 2023.godinu, Ministra zdravstva Kantona Sarajevo objavljuje:

**Javni poziv**

**Javni poziv za sufinansiranje organiziranja naučnih skupova i edukacija iz oblasti zdravstva na području Kantona Sarajevo u 2023. godini**

**I PREDMET JAVNOG POZIVA**

- (1) Predmet ovog javnog poziva je podnošenje prijava za dodjelu sredstava za sufinansiranje organiziranja naučnih skupova i edukacija iz oblasti zdravstva na području Kantona Sarajevo u 2023. godini (u daljem tekstu: Javni poziv)
- (2) Sredstva za realizaciju po osnovu Javnog poziva osigurana su u Budžetu Kantona Sarajevo za 2023. godinu, na razdjelu Ministarstva zdravstva Kantona Sarajevo u ukupnom iznosu od 75.000,00 KM.
- (3) Od iznosa iz stava (2) ukupno do 30 % sredstava može biti izdvojeno za finansiranje i sufinansiranje administrativnih troškova. Maksimalan iznos sredstava koji se može dodijeliti po naučnom skupu/edukaciji: 10.000,00 KM.

**II PRAVO PRIJAVE NA JAVNI POZIV**

Pravo prijave na Javni poziv imaju neprofitne organizacije koje za sredstva Budžeta apliciraju u svrhu finansiranja/sufinansiranja naučnih skupova i edukacije iz oblasti zdravstva na području Kantona Sarajevo u 2023. godini.

**III KRITERIJI ZA DODJELU SREDSTAVA**

**OPĆI KRITERIJI – potrebna dokumentacija:**

- a) popunjen obrazac prijave za finansiranje/sufinansiranje naučnih skupova i edukacija **iz oblasti zdravstva** sa popisom priloga dostavljene dokumentacije (naziv naučnih skupova i edukacija **iz oblasti zdravstva**: opis potreba, kratak opis naučnog skupa /edukacije, predračun naučnog skupa/edukacije, ciljevi, ciljne grupe, plan realizacije naučnog skupa /edukacije, lokacija naučnog

skupa/edukacije, trajanje naučnog skupa edukacije, osoblje i budžet (potpisan i ovjeren od strane ovlaštenog lica);

b) rješenje o upisu u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva (ovjerena kopija kod nadležnog organa ne starija od tri mjeseca);

c) uredno ispunjenje obaveze iz svih prethodno zaključenih ugovora o finansiranju i sufinansiranju budžetskih sredstava (ili po osnovu ranije dodijeljenih sredstava, ako nisu zaključili ugovore); ukoliko nisu ranije dodijeljena sredstava o finansiranju i sufinansiranju budžetskih sredstava potrebno je dostaviti IZJAVU koju udruženje sastavlja samostalno.

d) izjava da se protiv podnosioca prijave, odnosno lica ovlaštenih za zastupanje i voditelja naučnih skupova i edukacija, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisana od ovlaštenog lica, ovjerena pečatom aplikanta i ovjerena kod nadležnog organa);

e) uvjerenje o poreskoj registraciji - identifikacioni broj za pravno lice (dostaviti ovjerenu kopiju kod nadležnog organa ne starija od tri mjeseca);

f) potvrda poslovne banke da račun nije blokiran iz kojeg se vidi broj transakcijskog računa (ne starije od tri mjeseca);

g) program rada za 2023. godinu sa obrazloženjem (potpisan od ovlaštenog lica i ovjeren pečatom aplikanta);

g) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata.

h) uvjerenje od porezne uprave o izmirenim poreznim obavezama (ne starije od tri mjeseca o izmirenim porezima i doprinosima za zaposlene ukoliko ima zaposlenih; udruženje koje nema uposlenih i neizmirenih obaveza treba dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje) - ne starije od tri mjeseca

i) bilans stanja i bilans uspjeha za prethodnu godinu sa vidljivim pečatom Finansijsko Informatičke Agencije, ovlaštene za ovjeru. Za podnosioca prijave koji je registrovan u prethodnoj godini - potvrda da nije bilo promjena na računu sa pečatom Finansijsko Informatičke Agencije (ovjeren od strane nadležnog organa).

## 2. POSEBNI KRITERIJI – potrebna dokumentacija:

Opis naučnih skupova i edukacija (maksimalno dvije stranice) koji obavezno sadrži:

- Naziv naučnih skupova i edukacija **iz oblasti zdravstva**
- Opis potreba, ciljeve i ciljne grupe;



- Plan realizacije naučnih skupova i edukacija **iz oblasti zdravstva** sa naročitim osvrtom na kvalitet planiranih aktivnosti i metode provođenja koje su usko usmjereni za prevencije, očuvanje i unapređenje zdravlja stanovništva Kantona Sarajevo.
- Mjesto (lokacija) realizacije naučnih skupova i edukacija **iz oblasti zdravstva**, trajanje naučnih skupova i edukacija, i osoblje koje će realizirati aktivnosti naučnih skupova i edukacija
- Kratak opis dosadašnjeg iskustva podnosioca u provođenju istih ili sličnih naučnih skupova i edukacija **iz oblasti zdravstva**.
- Budžet naučnih skupova i edukacije razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti naučnih skupova i edukacija, iznosu koji se traži od Ministarstvo zdravstva Kantona Sarajevo, iznosu koji se za provođenje očekuje, iznos vlastitih sredstava koji će podnosilac prijave sam uložiti u provođenje aktivnosti (sufinansiranje), naučnih skupova i edukacija direktni troškovi provođenja naučnih skupova i edukacija razrađeni po izvorima finansiranja, te indirektno troškove provođenja naučnih skupova i edukacija.
- Očekivani utjecaj i ishodi naučnih skupova i edukacija, odnosno koje promjene se očekuju u toku i nakon provođenja naučnih skupova i edukacija.
- Da naučni skupovi i edukacija doprinose popularizaciji prevencije, očuvanje i unapređenje zdravlja stanovništva Kantona Sarajevo.

#### **Kriteriji za dodjelu sredstava su:**

- 1. VRSTA NAUČNOG SKUPA I EDUKACIJE**
  - kongres 5 bodova,
  - simpozijum 4 boda,
  - okrugli sto 3 boda,
  - kontinuirana edukacija 2 boda,
  - ostalo 1 bod).
- 2. BROJ UČESNIKA NA NAUČNOM SKUPU I EDUKACIJI**
  - preko 201 učesnika -5 bodova,
  - 151-200 učesnika - 4 boda,
  - 101-150 učesnika - 3 boda,
  - 51- 100 učesnika – 2 boda,
  - do 50 učesnika 1 bod).
- 3. TRAJANJE NAUČNOG SKUPA I EDUKACIJE**
  - 2 dana – 4 boda,
  - 1 dan – 2 boda.
- 4. MEĐUNARODNO UČEŠĆE RADOVI**
  - naučni skupovi i edukacija sa međunarodnim učešćem – 4 boda,
  - učešće na naučnom skupu i edukaciji bez međunarodnog učešća - 2 boda.
- 5. RASPON BODOVA**
  - 1-4,5 = 1.000 KM
  - 4,6 – 9,0 = 2.000 KM
  - 9,01-13,0 = 5.000 KM
  - 13,01-17 = 10.000 KM



## IV ROK I NAČIN PODNOŠENJA PRIJAVE NA JAVNI POZIV

1. Krajnji rok za podnošenje prijave je 21 (dvadesetijedan) dan od dana objavljivanja Javnog poziva na web stranici Ministarstva zdravstva Kantona Sarajevo: [www.mz.ks.gov.ba](http://www.mz.ks.gov.ba).
1. Prijava na Javni poziv podnosi se na propisanom obrascu. (Obrazac za prijavu projekta za finansiranje/sufinansiranje iz Budžeta Kantona Sarajevo sa popisom priloga, Obrazac narativnog i finansijskog izvještaja i Izjava ovlaštenog lica ponosioca prijave) objavljeni su na web stranici Ministarstva zdravstva Kantona Sarajevo: [www.mz.ks.gov.ba](http://www.mz.ks.gov.ba) a mogu se i lično preuzeti na šalter sali u zgradi Kantona Sarajevo ul. Reisa Džemaludina Čauševića 1, Sarajevo.
2. Prijava sa odgovarajućom dokumentacijom podnosi se u zatvorenoj koverti na čijoj poledini obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo ili poštom na adresu:

### MINISTARSTVO ZDRAVSTVA KANTONA SARAJEVO

Ulica Reisa Džemaludina Čauševića br. 1

71 000 Sarajevo

**JAVNI POZIV**

*sa naznakom:*

**Prijava na Javni poziv za sufinansiranje organiziranja naučnih skupova i edukacija iz oblasti zdravstva na području Kantona Sarajevo u 2023. godini  
(Ne otvaraj-Otvara Komisija)**

## V OPŠTE ODREDBE

1. Rukovodilac davaoca sredstava imenovat će Komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22) predsjednik, članovi Komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, rukovodilac davaoca sredstava će, ukoliko smatra osnovanim i uputnim i iz drugih razloga koji za posljedicu mogu imati pristrasno odlučivanje i razmatranje pristiglih prijava, isključiti predsjednika, člana, odnosno sekretara komisije za kojeg utvrdi da postoji sukob interesa, u cilju sprečavanja sukoba interesa osoba uključenih u postupak dodjele sredstava. Komisija imenovana od strane rukovodioca davaoca sredstava izvršit će pregled, odnosno, razmatranje pristiglih prijava na Javni poziv, utvrđivanje liste naučnih skupova i edukacija ispunjavaju uslove za dodjelu sredstava sa razdjela Ministarstva zdravstva KS, koja će biti objavljena na web stranici davaoca sredstava, te na osnovu zbirne liste ocijenjenih prijava izraditi prijedlog odluke o dodjeli transfera.
2. Davalac sredstava će obavijestiti pismeno podnosiocce čije prijave nisu prihvaćene u roku od 15 dana od dana objavljivanja rezultata. Podnosioci prijave imaju pravo na izjavljivanje



prigovora rukovodiocu davaoca sredstava, u roku od sedam dana (7) dana od dana dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko je prijava na javni poziv odbijena kao nepotpuna, neblagovremena i neuredna.

3. Neblagovremene, nepotpune i neuredne prijave neće biti predmet razmatranja.
4. Za finansiranje/sufinansiranje realizacije odobrenih naučnih skupova i edukacija zaključit će se pojedinačni ugovori kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, način i rokove izvještavanja, neprihvatljivi troškovi koji se ne mogu finansirati/sufinansirati dodijeljenim sredstvima i dr.
5. Doznačavanje odobrenih sredstava aplikantima vrši se nakon zaključenja Ugovora o dodjeli transfera za finansiranje i sufinansiranje naučnih skupova i edukacija, a u skladu sa Operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva zdravstva Kantona Sarajevo za 2023. godinu.
6. Sredstva odobrena po osnovu Javnog poziva moraju se iskoristiti za realizaciju kandidovanih naučnih skupova i edukacija pri čemu se korisnik sredstava mora pridržavati važećih propisa.
7. Korisnici sredstava dužni su dostaviti Ministarstvu izvještaj o namjenskom utrošku sredstava doznačenih iz Budžeta Kantona Sarajevo u roku od 30 dana od dana realizacije naučnih skupova i edukacija, sa odgovarajućom dokumentacijom, a najkasnije do 31.12. tekuće budžetske godine. Izvještaj se dostavlja na propisanom Obrascu narativnog i finansijskog izvještaja koji je sastavni dio ovoj Javnog poziva.
8. Primaoci finansijskih sredstava za realizaciju naučnih skupova i edukacija koji nisu dostavili narativni i finansijski izvještaj o utrošku sredstava za odobrene naučne skupove i edukacije za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za naučne skupove i edukacije, ne mogu biti prihvaćeni za finansiranje naučnih skupova i edukacija.

#### **NAPOMENA:**

**Prihvatljivi troškovi** - troškovi preistekli u skladu sa organizacijom naučnih skupova i edukacija.

**Neprihvatljivi troškovi** – troškovi zaposlenika ( plaće), kamate na dug, kazne, troškovi sudskog spora, bankovni troškovi, trošak police osiguranja, gubici i sl.

Za sve dodatne informacije možete se obratiti Ministarstvu zdravstva Kantona Sarajevo na tel. 033/562-106.



**MINISTAR**

**Prof. dr. Haris Vranić**



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)

Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1